

吉州全志卷六

知州吳葵之奉 文重修

風俗

古者采風問俗有使者專其事蓋欲因其美惡而施之政治也今無專使而輯之志乘則亦守土者所宜先務耳記風俗

僻處萬山土瘠民貧俗尚勤儉不事商賈士習淳樸俗鮮告訐至於冠婚喪祭之禮歲時伏臘之事則約略與各處相同鄭康成曰祖乙居耿以後奢侈踰禮土地迫近山川常圯焉至陽甲立盤庚爲之臣乃謀徙居湯舊都民居耿久奢淫成俗故不樂從王肅曰自祖乙五世至盤庚之兄陽甲宮室奢侈下民邑居墊隘水泉瀉湧不可以行政化故徙都於殷

吉縣志

卷六

大國民印刷廠印

皇甫謐曰耿在河地迫近山川自祖辛以來民皆奢侈故盤庚遷於殷

王柏曰土氣有厚薄風俗有盛衰冀之爲都天下之形勢也山河險固沃壤迫隘民淳俗儉足自固後世人民文物漸至繁阜風氣日耗遂自北而南勢使之然也 又曰濱河之地近古帝都地穰土豐民稠物饒人所共趨常人心知利而不知患雖素有水禍時圯時壞而不悔者政以利厚奪其避患之心也

通志云自吉州至河津胥殷耿地也時以都邑習於奢侈至其後而復陶唐之氏遺風矣

愚按州境萬山層嶺本非沃壤而舊說云云以逼近帝都故也

近來民俗淳樸儉嗇簡陋過於他處其云復陶唐氏之遺風良然

冠禮久廢

婚禮有六吉郡僅存四問名納采請期親迎而已

親喪惟搢紳舊家遵行文公家禮餘多同世俗逢七日或誦經或致祭不等富家每七必舉中戶首七盡七致祭三七五七有延僧道者

家廟置主亦惟搢紳家有之民間皆設龕於寢寒食中元皆祭於墓

歲時社祭夏秋兩舉率多演劇爲樂隨其村聚大小隆殺有差蓋猶報賽之遺云

正月元日夙興燔柏葉陳牲醴果羞祀天地神祇家衆以次

吉縣志

卷六

二

大國民印刷廠印

跪拜稱壽畢出拜尊長及戚里焉

立春前一日粧春事戴春花迎土牛祭勾芒之神以送寒氣元宵城市張燈其鄉村以小瓷盞點油燈遍列門室蒸麵作魚龍鷄狗置燈旁名伴燈

村落有搭燈山者各迎其方之神於其中從十四日起十六日止致香火三夜

二十日家食煎餅名曰添倉夜不張燈俗呼爲鼠娶婦日

二月二日俗傳龍抬頭日家爲鼓簸授牀畫葫蘆裝五毒蟲其中壓穰不祥春分釀酒醋寒食祭墓清明踏青牽柳枝放紙鳶架鞦韆穀雨畫天師符貼門名禁蝎

五月五日繫五彩線懸艾虎帶艾人食角黍飲雄黃酒婦女佩硃砂囊

六月六日暴書暴衣作麪伏日合醬
七月七日設瓜果筵童男女生麥豆芽陳弓矢緘線以乞巧
中元薦豚穀佐以果羞列楮於墓前
中秋陳瓜果望月羅拜已而劇欽
九月九日食携酒採野菊
十月一日墓祭畧同清明惟裁楮象衣被曰送寒衣
冬至祀先祖親族相賀
十二月五日早以五色豆置米中作粥名曰吃五豆八日置
果飯中名臘八粥二十三日晚設餅錫殺鷄祀竈名曰膠牙
湯逾日大掃舍宇除日易門神桃符更春帖老稚團飲爆聲
達旦更闌不寢名曰守歲

物產

吉縣志

卷六

三

大國民印刷廠印

禹貢八州皆有貢物而冀州獨無蓋以其所產無奇不足貴也吉州亦冀州之地謂之無奇產則可謂之無物產則不可記物產

穀屬

黍 稷 大麥 小麥 蕎麥 燕麥 膏粱 青豆 黃

豆 赤豆 白豆 黑豆 菘豆 豇豆 豌豆 花豆

扁豆 芝麻 胡麻 大麻

蔬屬 猴頭 生人祖山中

白菜 芥菜 芹菜 菠菜 蔓菁 萵苣 蒼蓮 木耳

麻菇 茺蒿 蘿葡 芫荽 葱 韭 蒜 薤 芋

蕨 山葱

瓜屬

南瓜 西瓜 冬瓜 甜瓜 菜瓜 王瓜 絲瓜 瓠子
茄子 壺

果屬

核桃 樹高丈許春初生葉兩兩相對結實至秋如青桃漢
張騫使西域得種歸植之秦中漸移東土州中頗多

桃 柿 李 棗 杏 梨 柰 沙果 羊棗 葡萄

櫻桃 秋子 松子 木瓜 林檎 蘋果 石榴 紅果

狀似山茶味微酸

花屬

牡丹 芍藥 菊 萱 葵 薔薇 茶蘼 月季 鷄冠

石竹 本槿 玉簪 鳳仙 玫瑰 蜀葵 棣棠 紫

荊 山丹 茨梅 蓼

吉縣志

卷六

四

大國民印刷廠印

剪紅羅一名剪春羅群芳譜有云六出週圍如剪葺葺可
愛唐詩昔聞剪作花花却春羅似欲覓剪刀痕盡付東風
裏

木屬

茶樹 赤木 汁能染紅 山川柳 松 柏 榆 柳 槐

楊 桑 椿 楸 檀 椴 檣 皂 桐 漆 荊棘

棠棣 青岡

草屬

蒿 艾 莎 茅 荻 苜蓿 芣苢 蘆葦 馬蘭 白

花茶 石茶 蒲

藥屬

甘草春生青苗高一二尺葉如槐七月間紫花根長三四尺

細粗不齊始生河西川谷今州山中多生此 蒼木苗高二
 三尺其葉抱莖生似棠棣根蒼黑色故名木者山之精也吉
 在萬山爰多產焉然塊大肉黃終遜茅山之堅小肉白
 五靈脂 芝生州東谷中形類鷄冠 黃芩 槐角 薄荷
 茴香 黃精 益母 南星 大黃 荊芥 甘菊 柴
 胡 茵陳 地黃 花椒 連翹 皂角 遠志 紅花
 知母 桔梗 麻黃 苦參 防風 地榆 紫蘇 班猫
 猪苓 山藥 牽牛 半夏 大薊 米壳 沙參 枸
 杞 山茶 茯苓 蕤仁 升麻 桑白 石脂 柏子仁
 酸棗仁 兔絲子 青娘子 天門冬 款冬花 車前
 子 蛇床子 馬兜鈴 五味子 地骨皮 首烏 蒺藜
 參 生高天山味微不及黨參

吉縣志

卷六

五

大國民印刷廠印

羽屬

慈烏古有慈鳥戍唐慈州名取此 鵝 鴨 雞 雉 雁
 燕 鶯 雀 鴉 鴿 鶉 鳩 鴟 鳶 鴉 鷹
 鷄 山雞 布穀 啄木 戴勝 鷓鴣 鶴 翠 鳧
 毛屬

馬 州稱北屈相傳屈產之乘即其地近何未聞有良馬耶
 豈物產亦隨變易耶 牛 羊 犬 豕 驢 騾 鹿
 鹿 獐 兔 虎 豺 狼 豹 狐狸 獾 貉 猫
 鼠

鱗屬

鯉魚 鱈魚 鮎魚 鰻魚 俱產黃河
 介屬

鼈 小蟹 生山澗中性寒不可食

貨屬

木棉 石灰 木炭 漆 靛 烏葉染皂 蜜

蠟 群山之中花卉香馥蜜蜂窟宅多在石崖穴縫暨古木中故年久蠟藏焉 茅柴皮 汁能染綠銅綠即其膏

帛屬

布 麻 絲 絨 氈

古蹟

地以人傳人以地重古之遺跡安可泯滅况乎昔曾建治之區尤不可不備稽考至於志必有景景必以八未免東家效顰附而存之可也記古蹟附八景

耿城在州南博物記皮氏有耿城或曰殷祖乙遷耿即此隋

吉縣志

卷六

六

大國民印刷廠印

置耿州故以名城附祖乙子姓成湯五世孫河亶甲子都於相有河決之患徙都於耿九祀圮於耿復徙都於邢以巫咸之子賢為相商道復興諸侯賓服在位十有九祀祖辛祖乙子在位十有六祀沃甲祖辛弟在位二十五祀祖丁祖辛子在位三十有二祀南庚沃甲子在位二十有五祀陽甲祖丁子在位七祀盤庚陽甲弟自祖乙以來都河北盤庚常與陽甲謀徙居湯舊都及踐位耿又圮於河爰渡河遷於殷復成湯業改國號曰殷其時世家大室習於沃饒之利而民亦安土重遷於是反復誥諭作盤庚三篇殷道復興諸侯畢朝元祀庚子都於殷

按通志今吉州暨河津縣書序祖乙圮於耿作祖乙元祀丙申前編耿在河中府龍門縣邢在邢州隴岡縣而鄭康

成嘗曰祖乙居耿以後奢侈踰禮土地迫近山川常圯焉至陽甲立盤庚爲之臣乃謀徙居湯舊都民居耿久奢淫成俗故不樂從夫曰居耿以後民居耿久則商七王之胥都耿可徵矣

北屈城吉鄉二十里有古屈城北屈也按左傳曰二屈杜預註二當爲北

姚襄城州西南五十里後漢姚襄所築西臨黃河爲周齊交爭地北齊武平初斛律明月破周兵於此齊武平二年斛律光築平隴諸戍還復令率步騎五萬出平陽攻姚襄白亭城皆克之獲其城主儀同大都督等九人捕擒數千人二年二月周遣將攻邊右丞相斛律光禦之左丞相段韶亦請行五月到服秦城周人於姚襄城南更起城鎮東樓定陽又作深

吉縣志

卷六

七

大國民印刷廠印

塹斷絕行道韶密抽壯士從北襲之又潛人渡河告姚襄城中令內外相應渡者千有餘人周始覺於是合戰大破之獲其彝同若干顯寶等諸將欲攻其新城韶曰此城一面阻河三面地險不可攻即得之一城地耳不如更作一城塞其要道破服秦城並力圖定陽計之長者將士皆然之六月徙圍定陽其城主開府議同楊範固守不下韶登山望城勢縱兵急攻之七月屠其外城時韶病軍中以子城未克謂蘭陵王高長恭曰此城三面重澗險阻無路唯慮東南一路耳賊若突圍必從此出但簡精兵專守自是成擒長恭乃命壯士千餘設伏於東南澗其夜果如所策賊出城伏兵繫之大潰範等面縛盡獲其衆周天和五年齊於姚襄鎮築伏隴等五城以處戍卒驃騎大將軍劉雄齊公憲攻之五城皆拔憲復遣

雄與柱國宇文盛於齊長城西連營防禦齊將段孝先等率衆圍盛營外先有長塹大將軍韓歡與孝先戰不利雄身負排所部二十餘人據塹力戰孝先乃止是年齊王憲北攻姚襄城陷之時汾州又見圍日久糧援絕憲遣柱國宇文盛運粟以饋之憲自入兩乳谷克齊柏社城進軍姚襄齊人嬰城固守憲遣柱國譚公會築石殿城以爲汾州之援齊平原王段孝先蘭陵王長恭兵大至憲命將士陣而待之大將軍韓歡爲齊人所乘遂奔憲自督將戰齊兵稍却會日暮乃各收軍六年齊將孝先攻汾州刺史史楊敷突出爲孝先所擒總宰字文護令中外府水曹參軍郭榮於汾州觀形勢時汾州與姚襄相去懸遠榮以二城孤迫勢不相救請於州鎮之間更築一城以相控攝護從之俄而齊將段孝先攻陷姚襄汾

吉縣志

卷六

八

大國民印刷廠印

州二城惟榮所立者獨能自守

古騏縣路史漢騏候在河東按漢志河東郡有騏縣師古曰騏音其

南汾州舊唐志元魏置後周改汾州後齊改西汾州隋爲文城郡武德元年改汾州五年改南汾州改慈州

件城故縣州北六十五里後魏世祖時名京軍縣太和二十一年改五城郡隋廢郡以縣屬文城郡唐爲五城屬慈州舊唐志後魏置件城縣取鎮戍名也今按隰州境內有件城鎮即其地平陽府舊志載於吉州古蹟內以其曾屬汾州慈州耳姑存以証之

平昌故縣北魏志世祖名刑軍太和二十一年改隋開皇初省入伍城縣

文城故縣州北六十里城隍廟尙存後魏曰忤城隋改文城縣唐顯慶三年移忤城縣東北文村新唐誌天佑三年更名屈邑

吉鄉故縣本唐吉昌縣宋更名吉鄉元至元二年省入吉州吉鄉故縣州東北七十里

定陽故縣舊魏志延興四年置并置定陽郡隋開皇初郡廢十八年改名吉昌大業初置文城郡治此

古龍門水經注龍門之上有古龍門

牛心寨州西六十里西臨黃河金楊貞所築僑治吉州今其遺址微存

倚梯城州西南龍門上口壘石爲之東北高據峻嶺西南俯臨黃河懸崖絕壁百有餘丈以其險峻異常非梯莫上故

吉縣志

卷六

九

大國民印刷廠印

名

庖羲故宮在人祖山頂上建伏羲廟舊碑傳爲故宮

鷄亭北魏志五城縣有鷄亭 舊志作庖山誤

慈烏戍舊唐志武德八年改南汾州爲慈州以郡近慈烏戍故也

孝子原州西一里孝子馮愈故址也

石佛崖寬井河上有心經觀音經五代唐永貞年刻石洞在州北一百二十里可容百人中有水泉昔人避兵於此

石豚在大天灣河中

豐國鐵冶州東一百五十里明洪武初設後革

天井在大天灣河中舊歲旱禱之輒應雍正十年夏偶旱知州甘士瑛率屬親往虔禱越日甘霖如注年大有有州民

感其神建天井龍王廟以庇神焉知州甘士瑛立碑以記之

八景附

孟門夜月 壺口秋風 錦屏疊翠 石孔飛泉

小橋流水 古洞瑤桃 佛閣晴嵐 壽山夕照

凝翠亭 在城南錦屏山麓山麓陡生石岸上有平地半畝許昔人建亭於上名曰凝翠亭下即佛閣晴嵐今遺址猶存

馮公祠 祀金尚書馮公延登

楊公祠 在州西麻庫掌祀金尚書吉隰經略使楊公貞祀有祭田數百畝今尚存

蘭公祠 在州東關祀 國朝河南山東江南河帥總督蘭

吉縣志

卷六

十

大國民印刷廠印

公第錫嘉慶三年奉

旨發帑勅建坊刻

御書勤慎廉潔川奠成勳八大字

墳墓坊表

高人烈士塚墓相望千載而下令人有興起之思至於言坊行表原爲褒揚懿美後世或爲科第階級之榮當以砥礪人文之助記墳墓坊表

漢留侯墓在婆門村

按廣輿記子房墓在平陽府襄陵縣舊志載此不知何據姑存之以俟夫世之博聞者正焉

金

尚書馮延登墓州東北十里陽莊村

經畧使楊貞墓州西六十里麻庫掌

本州同知任禮厚墓在麻庫掌 通志作伍禮厚誤

穆御史墓在州西山楊村

李元帥墓在川莊村

魯都督墓在魯家河

屈御史墓在上官坪

明

參政陳浩墓在州西二里劉家原

郎中陳維藩墓在州北原

給事主丁汝謙墓在行平村

副使劉從學墓在城北原

國朝

吉縣志

卷六

十一

大國民印刷廠印

河道總督蘭第錫墓在州南北光村

督糧道葛正華墓在州北陽兒原

署兵備道葛天柱墓在州北陽兒原

坊表

青雲坊爲舉人李演立

登雲坊爲舉人張謙立

丹桂坊爲舉人郭琮立

應奎坊爲舉人張宏立

進士坊爲庚戌進士陳浩立

傳臚坊在西村爲進士陳浩立

清要坊爲給事中陳浩立

方岳坊爲參政陳浩立

畫錦坊爲舉人張惠立
進士坊爲壬戌進士張惠立
拔秀坊爲舉人白述立
奪錦坊爲舉人張紀立
一鶚坊爲舉人馮綸立
騰蛟坊爲舉人陳維藩立
英傑坊爲舉人劉從學立
進士坊爲戊辰進士陳維藩立今存
風憲坊爲按察副使劉從學立
達尊坊爲劉從學立
勅封坊爲贈刑部主事陳廷顯立
恩光坊爲贈戶部郎中劉澤立今存

吉縣志

卷六

十二

大國民印刷廠印

正節坊爲節婦張氏立
河東鳴鳳坊爲舉人丁汝謙立
進士坊爲甲戌進士丁汝謙立
青鎖侍臣坊爲給事中丁汝謙立
聖世殊恩坊爲勅封太常博士丁良佐立
孝子坊爲孝子陳鳳翀立
節孝坊爲節婦蘭繼祖之妻馮氏立
清標彤管坊爲節婦督糧道葛正華之副室邱氏立

寺觀

非祀之祠宇幾塞宇宙矣狄梁公之後奏毀無人然不敢
溷於祠祀之列亦曰非其鬼之不可諂也記寺觀
盤古廟州西五里岳家莊

伏羲廟人祖山相傳伏羲爲人祖故此山亦名人祖山舊碑傳伏羲氏故宮

大禹廟在古龍門上口猗梯城魏孝文立碑

以上三廟係古帝王非臣民所得奉祀故首列之

石槽祠元和志禹鑿山河水下趨峻急深七丈經行之處元禁捕魚今山中鑿空架槽闊五十步懸注七十餘尺魚鼈所不能遊號石槽祠禹之施功始此

玉帝廟北關

東嶽廟二一在城西隅一在太度村

雷神廟北關外

龍王廟三一在淇北門外知州林家徵重修一在壺口山上
一在大天灣號天井龍王廟雍正十三年建知州甘士瑛

吉縣志

卷六

十三

大國民印刷廠印

有碑記

馬王廟東門外

天神廟二一在城北一在曹井村

晉文公祠錦屏山上明宣德己卯建嘉靖丁酉州幕李鯤修
整

國朝州守南鵬重修

王真人祠在曹村 舊志作曹井村誤

北極廟三一在城內山上今廢一在北關外一在房村里
二郎廟在馬家河
以上非二氏專祠故列於此

觀音閣城外西街

開元寺州西今爲習儀所

雷音寺州南

慈教寺州東

佛閣寺錦屏山下

永慶寺文城

大像寺同樂里

福慶寺雷家莊

在州西創建失考明嘉靖間重修萬歷二年三十八年 國朝順治十八年屢次重修

永齡寺大天灣

佛慶寺上市

老君菴五一在城北一在文城一在大天灣一在南村一在

麻庫掌

白衣菴在州崇安門明知州黃光煒建

紫微觀在波門里

吉縣志

卷六

十四

大國民印刷廠印

全陽觀在州北八里元天德九年建

安固寺在安平村創建不可考 附記同治間村人於寺後

掘得古物甚多有古銅旅甌一旅簋一上皆鑄有篆銘其

甌云叔碩父作旅甌子子孫孫永寶用其簋較甌殊小狀

如船內鑄銘詞云周叔姑作旅簋其萬年永寶用

伏永寺在麥城村佛像大可數丈手足甲俱以古瓦爲之

皇天后土廟在謝悉村建於大宋天聖元年殿有蒿梁一大

可數抱神座暖閣後有木屑粘合小門殿宇結構詭奇制

作精巧俗傳爲公輸神所建

漢王廟州北一百二十北界大窰一百二十里地勢宏敞傳

聞漢王曾屯兵於此因建廟焉

孔山寺州北距城八十里

天寧寺州南錦屏山西 金天會七年鑄大鐘一口元至正
年知州王士元碑文猶存

瑠珈寺在月間村

北極廟四一在高天山頂上一在五龍宮一在西宮河一在

庖山頂上

舊志失載